



অবিলম্বে প্রকাশের উদ্দেশ্যে: 3/4/2020

গভর্নর অ্যাঙ্কু এম. কুওমো

করোনাভাইরাস ব্রিফিং-এ, গভর্নর কুউমো ঘোষণা দিয়েছেন যে SUNY এবং CUNY'র চীন, ইতালি, জাপান, ইরান, দক্ষিণ কোরিয়ায় বিদেশে শিক্ষালাভের কর্মসূচীগুলো করোনাভাইরাস নিয়ে উদ্বেগের প্রতিক্রিয়ায় তাৎক্ষণিকভাবে স্থগিত করা হবে

SUNY এবং CUNY ফিরিয়ে আনার ব্যবস্থা গ্রহণ করেছে প্রায় 300 জন শিক্ষার্থীকে

প্রভাবিত দেশগুলি থেকে প্রত্যাবর্তনকারী ব্যক্তিদের নিয়ে আসা হবে নিউ ইয়র্ক স্ট্রুয়ার্ট আন্তর্জাতিক বিমানবন্দরে এবং নির্ধারিত ডরমেটরিগুলোতে অন্যদের থেকে বিচ্ছিন্ন অবস্থায় রাখা হবে

মার্কিন যুক্তরাষ্ট্রের বাইরে ক্যাম্পাস-স্পন্সরড ভ্রমণ SUNY এবং CUNY'র ক্ষেত্রে প্রভাবিত দেশগুলিতে স্প্রিং সেমিস্টারের জন্য বাতিল করা হয়েছে

নভেল করোনাভাইরাস নিয়ে এক ব্রিফিং চলাকালে, গভর্নর অ্যাঙ্কু এম. কুউমো আজ ঘোষণা করেছেন যে স্টেট ইউনিভার্সিটি অফ নিউ ইয়র্কের (State University of New York, SUNY) এবং সিটি ইউনিভার্সিটি অফ নিউ ইয়র্কের (City University of New York, CUNY) চীন, ইতালি, জাপান, ইরান, দক্ষিণ কোরিয়ায় বিদেশে শিক্ষালাভের কর্মসূচীগুলো করোনাভাইরাস বা COVID-19 নিয়ে উদ্বেগের প্রতিক্রিয়ায় তাৎক্ষণিকভাবে স্থগিত করা হবে। নিউ ইয়র্ক স্টেট স্বাস্থ্য অধিদপ্তরের (New York State Department of Health, DOH) সুপারিশের ভিত্তিতে এই সিদ্ধান্ত নেওয়া হয়েছে। SUNY এবং CUNY ফিরিয়ে আনার ব্যবস্থা করছে সমস্ত অপরিহার্য নয় এমন শিক্ষার্থী, অনুষদ এবং কর্মীদের যারা বর্তমানে ঐসব দেশে অধ্যয়নরত বা কর্মরত আছেন এবং 14-দিন অন্যদের থেকে বিচ্ছিন্ন রাখা শুরু করছে। পাঁচটি দেশের জন্যই যুক্তরাষ্ট্র রোগ নিয়ন্ত্রণ ও প্রতিরোধ কেন্দ্রসমূহ (U.S. Centers for Disease Control and Prevention, CDC) থেকে লেভেল 2 অথবা লেভেল 3 ভ্রমণ নোটিশ জারি করা হয়েছে।

"যেহেতু আমরা বিশ্বজুড়ে নভেল করোনাভাইরাসের বৃদ্ধি দেখতে পাচ্ছি, আমরা নিউ ইয়র্কবাসীদের সুরক্ষার জন্য প্রয়োজনীয় প্রতিটি সতর্কতা গ্রহণ করছি এবং আমাদের জনস্বাস্থ্য ব্যবস্থাটি পরিচালনা করছি," **গভর্নর কুওমো বলেন।** "প্রচুর সাবধানতার ফলে, SUNY এবং CUNY বিদেশে শিক্ষালাভ কর্মসূচী সবচেয়ে বেশি প্রভাবিত দেশগুলোতে তাৎক্ষণিকভাবে স্থগিত করা হবে এবং সমস্ত ছাত্র ও কর্মী নিউ ইয়র্কে ফিরে আসবেন এবং একটি 14 দিনের পৃথকীকরণ শুরু করবেন। এটি গুরুত্বপূর্ণ

যে সত্য ভয়কে ছাড়িয়ে যায়, এবং বাস্তবতা হল আমরা পরীক্ষা নিরীক্ষা করে যাচ্ছি, প্রয়োজনীয় লোকদের চিকিৎসা করার জন্য তথ্য বের করছি এবং স্বাস্থ্যসেবা সংস্থান স্থাপন করছি, তাই আমি নিউ ইয়র্কবাসীকে মনে করিয়ে দিচ্ছি যে অথবা উদ্বেগের কারণ নেই এবং নিউ ইয়র্কে সাধারণ ঝুঁকি কম রয়েছে।"

SUNY-এর চ্যান্সেলর ক্রিস্টিনা জনসন বলেন, "নিউ ইয়র্ক স্টেট স্বাস্থ্য অধিদপ্তরের সাথে নিবিড় সমন্বয় এবং বিদেশে থাকা আমাদের শিক্ষার্থী, অনুশদ এবং কর্মীদের নিরাপত্তা এবং স্বাস্থ্যের কথা বিবেচনা করে আমরা প্রভাবিত দেশসমূহে বিদেশে শিক্ষালাভ কর্মসূচী স্থগিত করেছি এবং আমাদের SUNY পরিবারকে দেশে ফিরে আসার জন্য নির্দেশনা দিয়েছি। আমরা শিক্ষার্থীদের আর্থিক এবং শিক্ষাগত সংস্থান সরবরাহ করব এবং আজকের পদক্ষেপের কারণ হতে পারে এমন কোনও বিঘ্ন হ্রাস করতে কাজ করব, যখন আমরা আমাদের পুরো ক্যাম্পাস সম্প্রদায়ের সুরক্ষার জন্য স্থানীয়, রাজ্য এবং ফেডারেল স্তরে আমাদের সমস্ত অংশীদারদের সাথে পূর্বপাশ্চিকভাবে কাজ করে চলেছি।"

CUNY চ্যান্সেলর ফেলিক্স ভি. ম্যাটস রডরিগেজ বলেছেন, "আমরা এই উদীয়মান জনস্বাস্থ্যের হুমকির ফলে সর্বাধিক মারাত্মকভাবে প্রভাবিত হওয়া দেশগুলোতে বিদেশে শিক্ষালাভ কর্মসূচীতে অন্তর্ভুক্ত আমাদের শিক্ষার্থীদের স্বাস্থ্য, সুরক্ষা এবং কল্যাণ নিশ্চিত করতে আমাদের সহায়তা করার ক্ষেত্রে গভর্নর কুউমোর নেতৃত্ব এবং সমন্বয়ের প্রশংসা করি। প্রচুর সাবধানতার মধ্যে থেকে, আমরা আমাদের শিক্ষার্থীদের অনুরোধ করি এখনই ফিরে আসার এই আমন্ত্রণটি গ্রহণ করতে, পরিস্থিতি পরিবর্তিত হওয়ায় পরবর্তী জটিলতা এড়াতে। আমরা CUNY'র ক্যাম্পাস এবং শিক্ষার্থীদের সুরক্ষায় প্রতিশ্রুতিবদ্ধ, এবং নিশ্চিত করছি যেন সমস্ত শিক্ষার্থী অতিরিক্ত আর্থিক বা অধ্যয়ন বিষয়ক বাঁধা ছাড়াই এই সেমিস্টারে তাদের কোর্সের প্রয়োজনীয়তা পূরণ করতে পারে।"

SUNY এবং CUNY'র শিক্ষার্থীদের জন্য যারা এখনো প্রভাবিত দেশগুলো থেকে মার্কিন যুক্তরাষ্ট্রে ফিরে আসতে পারেনি, SUNY বর্তমানে দক্ষিণ কোরিয়া, ইতালি এবং জাপান থেকে আগামী দিনে নিউ ইয়র্ক স্টুয়ার্ট আন্তর্জাতিক বিমানবন্দরে চার্টার্ড ফ্লাইটের (chartered flights) ব্যবস্থা করছে। পৌঁছানোর পরে এবং DOH নির্দেশিকা অনুসারে, স্থানীয় এবং স্টেট স্বাস্থ্য প্রতিনিধিরা যাত্রীদের পরীক্ষা করবেন এবং SUNY 14-দিনের বিচ্ছিন্নকরণ শুরু করার জন্য SUNY ক্যাম্পাস ডরমেটোরি পর্যন্ত মনোনীত পরিবহণের ব্যবস্থা করবে। SUNY এবং CUNY এরপরে পৃথকীকরণের সময় ব্যক্তিদের সহায়তা করার জন্য মেডিকেল পর্যবেক্ষণ, রিমোট কোর্স অধ্যয়ন করতে এবং বিভিন্ন সংস্থান সরবরাহ করতে ক্যাম্পাসসমূহ, DOH এবং স্থানীয় স্বাস্থ্য বিভাগগুলির সাথে একত্রে কাজ করবে।

প্রচুর সতর্কতার ফলে, SUNY এবং CUNY স্প্রিং সেমিস্টারের জন্য প্রভাবিত দেশগুলোতে মার্কিন যুক্তরাষ্ট্রের বাইরের ক্যাম্পাস-স্পনসরড ভ্রমণ বাতিল করে দিয়েছে। SUNY এবং CUNY অন্যান্য সমস্ত ক্যাম্পাস-স্পনসরড আন্তর্জাতিক অবস্থানগুলিতে আসন্ন ভ্রমণ অব্যাহত রাখা বা বাতিল করার বিষয়ে বাড়তি বিষয় নির্ধারণের জন্য CDC'র নির্দেশিকা পর্যালোচনা করবে এবং DOH-এর সাথে ঘনিষ্ঠভাবে কাজ করবে।

নিউ ইয়র্ক স্টেট ইউনিভার্সিটি সম্পর্কে

SUNY হল যুক্তরাষ্ট্রে উচ্চশিক্ষার বৃহত্তম বিস্তৃত ব্যবস্থা, এবং সমস্ত নিউ ইয়র্কবাসীর 95 শতাংশেরও বেশি SUNY'র 64টি কলেজ এবং বিশ্ববিদ্যালয়ের যে কোনও একটির 30 মাইলের মধ্যে বাস করে। 2019 সালের শীতে 415,500 এরও বেশি শিক্ষার্থী একটি SUNY ক্যাম্পাসের ডিগ্রি প্রোগ্রামে নাম লেখেন। সামগ্রিকভাবে, SUNY সারা বছরে প্রায় 1.4 মিলিয়ন শিক্ষার্থীকে ক্রেডিট-বিয়ারিং কোর্স এ্যান্ড প্রোগ্রামস, অব্যাহত শিক্ষা এবং কমিউনিটি আউটরিচ প্রোগ্রামে প্রশিক্ষণ দেয়। SUNY নিউ ইয়র্কের প্রায় এক-চতুর্থাংশ অধ্যয়ন বিষয়ক গবেষণার তত্ত্বাবধান করে। শিক্ষার্থী ও অনুষদের গুরুত্বপূর্ণ অবদান সহ, 2019 অর্থবছরে গবেষণা ব্যয়ের ব্যবস্থা 1.7 বিলিয়ন মার্কিন ডলার ছাড়িয়েছে। বিশ্বব্যাপী 3 মিলিয়ন SUNYর প্রাক্তন শিক্ষার্থী রয়েছেন, এবং কলেজের ডিগ্রী সহ তিনজন নিউ ইয়র্কবাসীর মধ্যে একজন হলেন SUNYর প্রাক্তন শিক্ষার্থী। SUNY কীভাবে সুযোগ তৈরি করে সে সম্পর্কে আরো জানতে, www.suny.edu এ যান।

নিউ ইয়র্ক সিটি বিশ্ববিদ্যালয় সম্পর্কে

সিটি ইউনিভার্সিটি অফ নিউ ইয়র্ক দেশের বৃহত্তম নগর গণ বিশ্ববিদ্যালয়, সামাজিক গতিশীলতার একটি রূপান্তরকারী চালক যা নিউ ইয়র্ক সিটির জীবনরক্ষার একটি গুরুত্বপূর্ণ উপাদান। 1847 সালে দেশের উচ্চশিক্ষার প্রথম নিখরচায় সরকারী প্রতিষ্ঠান হিসাবে প্রতিষ্ঠিত, আজ CUNY'র রয়েছে [সাতটি কমিউনিটি কলেজ](#), [11টি সিনিয়র কলেজ](#) এবং [সাতটি স্নাতক বা পেশাদার প্রতিষ্ঠান](#) যা নিউ ইয়র্ক সিটির পাঁচটি অঞ্চল জুড়ে ছড়িয়ে আছে, প্রতিবছর 500,000 জন শিক্ষার্থীকে সেবাদান করে এবং 55,000টি ডিগ্রি প্রদান করে। CUNY'র মান এবং সাশ্রয়ীতার মিশ্রণটি আইভী লীগের (Ivy League) সমস্ত কলেজের সম্মিলিত অংকের চেয়েও প্রায় ছয়গুণ বেশি মধ্যবিত্ত এবং তারও বেশি নিম্ন-আয়ের শিক্ষার্থীকে সম্মুখে এগিয়ে নেয়। বিশ্ববিদ্যালয়ের 80 শতাংশেরও বেশি স্নাতক যারা নিউ ইয়র্কে অবস্থান করেন, তারা শহরের অর্থনৈতিক, নাগরিক এবং সাংস্কৃতিক জীবনের সমস্ত দিকগুলিতে অবদান রাখেন এবং প্রতিটি ক্ষেত্রে নগরীর কর্মশক্তিকে বৈচিত্র্যময় করে তোলেন। CUNY'র স্নাতক এবং অনুষদরা অনেক সম্মানজনক পদক পেয়েছেন, 13টি নোবেল পুরস্কার এবং 26টি ম্যাকআর্থার "জিনিয়াস" গ্র্যান্ট (MacArthur "Genius" Grant) সহ। বিশ্ববিদ্যালয়ের ঐতিহাসিক যাত্রা আজও অব্যাহত রয়েছে: ধরণ বা পটভূমি নির্বিশেষে সকল শিক্ষার্থীদের জন্য যা প্রথম স্তরের গণ শিক্ষা সরবরাহ করছে।

###

অতিরিক্ত তথ্য পেতে দেখুন www.governor.ny.gov
নিউইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্ক্রাইব করুন](#)